



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav 1. Zakona o finansiranju političkih stranaka („Službeni glasnik BiH“ broj: 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2009. GODINU SOCIJALDEMOKRATSKE UNIJE 2002 BOSNE I HERCEGOVINE

Broj: 03-07-6-110/10  
Sarajevo, 14. decembar 2010. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole .....	5
Obim pregleda i kontrole.....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE.....	6

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Socijaldemokratske unije 2002 Bosne i Hercegovine za 2009. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Socijaldemokratska unija 2002 Bosne i Hercegovine prekršila je odredbe člana 8. stav (1) i člana 11. stav (1) i stav (3) Zakona o finansiranju političkih stranaka.**

**Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Socijaldemokratske unije 2002 Bosne i Hercegovine za 2009. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Socijaldemokratska unija 2002 Bosne i Hercegovine ostvarila je prihode u ukupnom iznosu 15.665,00 KM, što se vidi iz sljedeće tabele:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u Uk.prih. %</b>
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	15.665,00	100,00%
8	Ostali prihodi	0,00	0,00%
	<b>Ukupni prihodi:</b>	<b>15.665,00</b>	<b>100,00%</b>

Prema podacima iz godišnjeg finansijskog izvještaja Socijaldemokratska unija 2002 Bosne i Hercegovine ostvarila je rashode u ukupnom iznosu 14.212,00 KM.

## 2. PREDSTAVLJANJE POLITIČKE STRANKE

Naziv političke stranke: Socijaldemokratska unija 2002 Bosne i Hercegovine.

Skraćeni naziv stranke je SDU 2002 BiH.

Politička stranka je registrovana 09.04.2008. godine u Općinskom sudu u Tuzli, pod brojem: 032-0-reg-08-000456.

Sjedište političke stranke je u Kalesiji, Donji Rainci bb.

Lice ovlašteno za zastupanje stranke je Melisa Suljkanović, predsjednik stranke.

Lice ovlašteno za podnošenje finansijskih izvještaja za 2009. godinu je Abdulah Suljkanović.

Prema podacima koje je Socijaldemokratska unija 2002 Bosne i Hercegovine navela u godišnjem finansijskom izvještaju za 2009. godinu stranka nema organizacione dijelove nižeg nivoa.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Socijaldemokratske unije 2002 Bosne i Hercegovine za 2009. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je Socijaldemokratska unija 2002 Bosne i Hercegovine u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Socijaldemokratske unije 2002 Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

### 4. PRETHODNE KONTROLE I REVIZIJE

U prethodnom periodu izvršen je pregled godišnjeg finansijskog izvještaja Socijaldemokratske unije 2002 Bosne i Hercegovine za 2008. godinu i izdat izvještaj o pregledu sa mišljenjem revizora, nalazima i preporukama revizije da stranka treba da postupa u skladu sa odredbama člana 11. stav (1) i stav (3) Zakona o finansiranju političkih stranaka.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2009. godinu, utvrđeno je da politička stranka nije ispoštovala preporuke koje su date u izvještaju o pregledu godišnjeg finansijskog izvještaja za 2008. godinu.

### 5. NALAZI I PREPORUKE

#### 5.1. NALAZI

**a) Na osnovu obavljenog pregleda i kontrole godišnjeg finansijskog izvještaja utvrđeno je da je Socijaldemokratska unija 2002 Bosne i Hercegovine prekršila odredbe člana 8. stav (1) Zakona o finansiranju političkih stranaka<sup>1</sup>.**

- Općinski odbor SDU 2002 BiH Živinice je na osnovu Odluke o postupku davanja u zakup poslovnih prostora Općine Živinice broj: 09-05-10100/2007 od 27.11.2007. godine, koristio bez naknade poslovni prostor površine 17 m<sup>2</sup> u vlasništvu Općine Živinice. Prema navedenoj Odluci najniža cijena zakupnine iznosi 3,00 KM po m<sup>2</sup>. Na bazi navedene odluke i akta šefa Službe za opću upravu i društvene djelatnosti Općine Živinice broj: 02-05-2507/10 od 07.06.2010. godine koji je dostavljen na zahtjev Centralne izborne komisije BiH, utvrđeno je da je Socijaldemokratska unija 2002 Bosne i Hercegovine usljed neplaćanja zakupnine ostvarila zabranjen prilog od Općine Živinice u iznosu od 612,00 KM.
- Općinski odbor SDU 2002 BiH Kalesija je na osnovu Odluke o načinu i uslovima raspodjele poslovnog prostora u stambeno-poslovnoj zgradi „Stari MUP“ Kalesija, koju je donijelo

<sup>1</sup> Državni, entitetski i kantonalni organi, organi općinskih i mjesnih zajednica, javne institucije, javna preduzeća, humanitarne organizacije, preduzeća koja su po samoj svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu finansirati političke stranke.

Općinsko vijeće općine Kalesija, broj: 01-05-2-879 od 30.03.2007. godine koristio poslovni prostor površine 12 m<sup>2</sup> po cijeni od 1,00 KM po m<sup>2</sup>, čime je stranka ostvarila zabranjen prilog od Općine Kalesija u iznosu od 144,00 KM.

- b) Na osnovu obavljenog pregleda i kontrole godišnjeg finansijskog izvještaja utvrđeno je da je Socijaldemokratska unija 2002 Bosne i Hercegovine prekršila odredbe člana 11. stav (1) i stav (3) Zakona o finansiranju političkih stranaka.**

Stranka u kontrolisanom periodu nije vodila adekvatne evidencije o svojim prihodima i rashodima i na taj način postupila je suprotno odredbama člana 11. stav (1) Zakona o finansiranju političkih stranaka.<sup>2</sup>

- U godišnjem finansijskom izvještaju koji je stranka dostavila Centralnoj izbornoj komisiji BiH, SDU 2002 BiH je iskazala troškove u iznosu od 14.212,00 KM, dok ukupan promet kratkoročnih obaveza u 2009. godini iznosi 5.426,30 KM, što nedvosmisleno ukazuje na to da stranka troškove evidentira tek kada izvrši plaćanje, a ne u momentu kada je trošak nastao.

Stranka je postupila suprotno odredbama člana 11. stav (3) Zakona o finansiranju političkih stranaka i Pravilnika o godišnjim finansijskim izvještajima političkih stranaka.<sup>3</sup>

- Detaljnom kontrolom godišnjeg finansijskog izvještaja i dodatne dokumentacije koju je stranka dostavila Centralnoj izbornoj komisiji BiH utvrđeno je da stranka nije iskazala dva organizaciona dijela nižeg nivoa i to Općinski odbor SDU 2002 BiH Živinice i Općinski odbor SDU 2002 BiH Kalesija, čime je prekršila odredbe člana 9. i člana 10. Pravilnika o godišnjim finansijskim izvještajima političkih stranaka<sup>4</sup>.

## 5.2. PREPORUKE

***Preporučuje se Socijaldemokratskoj uniji 2002 Bosne i Hercegovine da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje:***

- ❖ ***da postupa u skladu sa odredbama člana 8. stav (1) Zakona o finansiranju političkih stranaka, odnosno da ne prima priloge koji su zabranjeni ovim zakonom***
- ❖ ***da postupa u skladu sa odredbama člana člana 11. stav (1) i (3), i to:***
- ❖ ***da vodi evidencije o svojim prihodima i rashodima***
- ❖ ***da utvrdi i knjigovodstveno evidentira stvarno stanje svojih obaveza i***
- ❖ ***da finansijske izvještaje koje podnosi Centralnoj izbornoj komisiji BiH sačinjava u formi propisanoj Pravilnikom o godišnjim finansijskim izvještajima političkih stranaka.***

<sup>2</sup> Političke stranke vode evidenciju o svojim prihodima i rashodima. Politička stranka je dužna da Centralnoj izbornoj komisiji BiH podnese finansijski izvještaj za svaku kalendarsku (računovodstvenu) godinu.

<sup>3</sup> Do 31.03. naredne godine političke stranke podnose finansijski izvještaj u formi koju odobri Centralna izborna komisija Bosne i Hercegovine. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

<sup>4</sup> (1) U obrazac 1, *Opći podaci o političkoj stranci*, unose se svi podaci o političkoj stranci na koju se finansijski izvještaj odnosi, između ostalog i da li stranka ima organizacione dijelove nižeg nivoa (odgovor DA ili NE). (2) U obrazac 1-1, *Teritorijalna struktura političke stranke*, unose se za sve nivoe organiziranja (glavni uredi, entitetske, kantonalne, općinske i druge organizacije) sljedeći podaci: naziv organizacionog dijela političke stranke i adresa, telefon i faks.

## KOMENTAR

U ostavljenom roku, Socijaldemokratska unija 2002 BiH se aktom broj 70/10 od 08.11.2010. godine očitovala na Preliminarni izvještaj o pregledu godišnjeg finansijskog izvještaja za 2009. godinu, te dala primjedbe na nalaze revizije u smislu člana 8. stav (1) Zakona o finansiranju političkih stranaka. Služba za reviziju je na osnovu akta Općine Živinice broj 02-05-2507/10 od 07.06.2010. godine i akta Općine Kalesija broj 02/1-1-23-6-2526 od 13.09.2010. godine utvrdila da primjedbe koje se odnose na prekršaj člana 8. stav (1) nisu argumentovane, niti su utemeljene na relevantnim dokazima.

U svom očitovanju stranka je dostavila dodatnu dokumentaciju kojom je potvrđeno da transakcioni račun broj: 338690223312325 otvoren kod UniCredit banke d.d. ugašen, te da na istom nije bilo prometa u izvještajnom periodu što je Služba za reviziju uvažila i ugradila u Izvještaj o pregledu godišnjeg finansijskog izvještaja za 2009. godinu.

Mr. Hasida Gušić, šef Službe za reviziju

Nevenko Andan, revizor

Amela Batuša, pomoćnik revizora